

MARIA WEVER GANADOR ABSOLUTO DI E PROME FESTIVAL "VOZ DI PERFUME"..

Fotos y Texto: Jan Poets.

DEN AMBIENTE



**** Ganador di e prome festival "Voz di Perfume" Maria Wever di Maggy's, interpretando su cancion ganador "Asi Como Hoy"..**

**** Diasabra ultimo City One** tabata di gala cu e aroma super dushi di e prome festival di canto "Voz di Perfume" entre e perfumerianan; Maggy's, Aruba Trading, Weitnauer y Little Zwitserland. Tabata Maggy's cu a tuma e bunita iniciativa aki, pa cual nan por ta sumamente orguyoso di mira atras riba un exito rotundo. Den un solo palabra FANTASTICO tabata e forma con Maggy's a sa di decora City One den uno super chic y agradable. Durante e anochi di perfume aki, a participa en total 14 cantante, kendenan musicalmente a ser tremendamente acompaña pa Orquesta E.Q.O. E anochi glamoroso aki a ser presenta den un forma elegante y suave pa e dos MCnan, Erin Croes di Magic Fm y Ivan Kelly Jr di MI FM 1270. Algo remarcable tambe tabata cu un biaha mas a keda demostra cu durante tipo di festivalnan asina, Aruba tin un man yen di talentoso cantante-nan. Cada participante a bin "por la goma" y hasta a pone hopi hende haya "kippevel". Mester bisa cu e publico a pasa

un anochi super divertido. Ademas tambe e publico a goza di e espectacular show di baile presenta pa "Arudanza" y presentacion di e inigualable cantante guitarrista Ronny Kock. Despues cu e huradonan a bati nan cabez formalmente pa eligi e merecido ganador-nan, e dos MCnan a anuncia Maria Wever di Maggy's como e ganador absoluto, 1e) Nang Lacle (Aruba Trading), 2e) Sharisa Kock (Aruba Trading), 3e) Jacintha Thijzen (Weitnauer) y 4e) Esmeralda Wever (Aruba Trading). Despues cu e ganadornan a ricibi nan premionan, e parehanan a haya oportunidad pa hule otro su oreja riba e ritmo contagioso di Orquesta E.Q.O., y asina tambe e anochi a sera den un "broche de oro".

Por a compronde cu e exito aki tabata asina grandi, cu e sentimentonan di satisfaccion pa sigui cu e festival a bira aun mas grandi y tur cos ta muestra cu aña 1999 lo bay tin un otro festival di "Voz di Perfume" y ta spera cu tur e otro perfumierianan cu a "chicken out", e biaha aki si lo "chicken Inn"...



**** For di mannan di Ronny Kock y Audrey Oduber di Maggy's, Maria Wever a ricibi su precioso trofeo diseña den un gigante botter di perfume...Sin duda algo unicooo!!**



**** Aki tabata e momento emocionante cu e participantenan tabata enspera di e resultado..**



**** Aki no tabatin cuenta cu "De que se pega..se pega, proteja se de trucutru", pasobra e gang aki a gana e premio di e "Kokodeknan holor mas dushi"..**



**** Ainda e camara di "Den Ambiente" a keda cu e fuertisimo holor "duusshiii" di e super damananan aki, kendenan a declara cu tur pero .."turrrrr" diasabra nan ta pendiente di "Den Ambiente".. Awe nan mes ta mira nan mes den nan ambiente!..**